

2023 NCEA Pūrongo Aromatawai

Te Marautanga o Aotearoa	Toi Ataata
Rā Aromatawai	8 Hepetema & 15 Hepetema 2023
Te Momo Aromatawai	Tūmahi Aromatawai Pātahi
Te Paerewa Paetae	92085 (1.3) Kaupae 1

Wāhanga 1: He Tirohanga Whānui

Ko te whakapakari i ngā pūkenga o te ākonga ki te whakaputa māramatanga ki ngā huānga toi ataata te aronga matua e tutuki ai e ia te paerewa paetae 92085. Ko te whakawhānui i ā rātou kete mātauranga mo ngā huānga e āhei ai te tamaiti ki te whakapuaki i ōna māramatanga, i ōna mōhiohia mo ngā huānga me te whakahāngai anō hoki ki te horopaki.

Wahanga 2: He kōrero mō te Paerewa

Ko te whāinga o tēnei paerewa paetae he whakaatu māramatanga ki ngā huānga toi ataata.

92085: Te whakaatu māramatanga ki ngā huānga toi ataata

Te Aromatawai

Ko tā te ākonga mahi he kōwhiri i tētahi o ngā mahinga toi ataata, ā, ko tēnei mahinga toi hei kaupapa kōrero mā rātou i a rātou ka whakautu i ngā pātai o te Aromatawai.

Ko tā te ākonga mahi he whakaatu i ō rātou mōhiohia ki ngā huānga toi ātaata me te whakahāngai ki te mahinga toi ataata kua kōwhiria e rātou.

Tirohanga

I mārama te kite i āhei ngā ākonga te tautohu i ngā huānga toi ataata. Ko te uauatanga kē mā ētahi ko te whakahāngai ki te horopaki o te mahinga toi ataata i kōwhiria e rātou.

He kore pea i mōhio me pēhea te whakakupu i ō rātou mōhiohanga e whakaatu māramatanga ai rātou ki ngā huānga.

He kore pea nō rātou i mōhio ki te hohonutanga rānei o ngā huānga toi ataata e āhei ai rātou te whakawhānui i ā rātou kōrero.



Te Marautanga o Aotearoa

Toi Ataata

Rā Aromatawai

8 Hepetema & 15 Hepetema 2023

Te Momo Aromatawai

Tūmahi Aromatawai Pātahi

Te Paerewa Paetae

92085 (1.3) Kaupae 1

Pūrongo Paerewa Paetae

Ko ngā ākonga i eke ki te **Kairangi** i te paerewa paetae nei:

- ka mārama ia ki ngā huānga toi ataata.
- ka whai tikanga te whakahāngai i ngā huānga toi ataata ki te mahinga toi ataata.

Ko ngā ākonga i eke ki te **Kaiaka** i te paerewa paetae nei:

- ka mārama ki ētahi o ngā huānga toi ataata.
- ka tuku i ētahi wheako whaiaro e pā ana ki ngā huānga toi ataata.
- he ngāwari te arohaehae i ngā kōrero.

Ko ngā ākonga i eke ki te **Paetae** i te paerewa paetae nei:

- he māmā ngā kōrero whakautu a ngā ākonga.
- kotahi anake te rerenga/whiti kōrero.
- ētahi wā ka kōtiti haere tana kōrero/whakaaro. Kei reira te pito o te kōrero, engari he uaua te tuku pūkōrero mā te ākonga.

Ko ngā ākonga **Kāore** i whiwhi i te paerewa paetae nei:

- kōmehomeho ngā whakaaro.
- kāore i whakautu i ētahi o ngā wāhanga o te aromatawai.
- e kōtiti haere ana ngā whakaaro.
- kāore ngā whakautu i tino hāngai ki te aromatawai.



Te Marautanga o Aotearoa

Toi Ataata

Rā Aromatawai

13 Maehe - 25 Oketopa 2023

Te Momo Aromatawai

Kete Manarua (Digital Submission)

Te Paerewa Paetae

92086 (1.4) Kaupae 1

92086: Te whakamahi i ngā āhuatanga toi ataata kia puta ai he mahinga toi

Te Aromatawai

Ko te whāinga o tēnei paerewa paetae he whakamahi i ngā āhuatanga toi ataata kia puta ai he mahinga toi.

Tirohanga

I kite i te mārama o ngā ākonga ki ā rātou anō mahinga toi. I āta mahi anō hoki ngā ākonga kia hua mai ai he mahinga toi motuhake kōunga.

Pūrongo Paerewa Paetae

Ko ngā ākonga i eke ki te **Kairangi** i te paerewa paetae nei:

- i āhei te whakatutuki i te paerewa ki te taumata ikeike o ngā mahi toi. I āta aro ēnei ākonga ki ngā mokamoka, me te kanohi hōmiro i ō rātou pūkenga toi e hua mai ai he mahinga toi te mutunga kē mai o te kōunga.

Ko ngā ākonga i eke ki te **Kaiaka** i te paerewa paetae nei:

- i āhei te whakatutuki i te paerewa ki te taumata teitei o ngā mahi toi. I āta whakamāhere i ō rātou whakaaro me ō rātou pūkenga toi, ā ko putanga he mahinga toi kōunga e e whakaatu ana ā rātou āheinga.

Ko ngā ākonga i eke ki te **Paetae** i te paerewa paetae nei:

- i whai wāhi atu ki te whakaatu i ō rātou pūkenga ki te mahi toi.

Ko ngā ākonga **Kāore i whiwhi** i te paerewa paetae nei:

- kāore i āhei ki te whakatutuki i ngā herenga o te paerewa nei me ngā āhuatanga o te mahinga toi.

